

呂氏家塾讀詩記

八

蘇子瞻
知不足齋
藏

FDG

6

呂氏家塾讀詩記卷第二十二

北山之什

樂周

北山大夫刺幽王也。役使不均，已勞於

得養其父母焉。

李氏曰：孔子曰：公則說，若不均，則雖征役未甚勞苦，亦

齊

大夫東之詩，則有粲粲衣服者，有

安得而說服哉。王氏曰：經營四方，出入風議，皆大夫之事也。

陟彼北山，言采其杞。

音起偕偕士子，朝夕從事。王

事靡盬。

音古憂我父母。

李氏曰：杞，枸杞也。左氏昭十年有圉生之杞，杜

元凱注云。世所謂枸杞者。○毛氏曰。偕偕疆壯

貌。

說文曰。偕。疆也。

○朱氏曰。大夫行役。陟彼北山。采杞

而食也。○毛氏曰。士子有王事者也。○鄭氏曰。

朝夕從事。言不得休息。○朱氏曰。王事靡盬。憂

我父母。言以王事而貽親憂也。

溥

音普

天之下。莫非王土。率土之濱。

音賓

莫非王臣。大

夫不均。我從事獨賢。

毛氏曰。溥。太率。循濱。厓也。

孔氏曰。九州海環之。濱。是四畔近水之處。

○王氏曰。取數多。謂之賢。禮記曰。某賢於某若。

干與此同義

孔叢子曰我從事獨賢勞事獨多也出小爾雅廣訓篇

○朱

氏曰言土之廣臣之衆而王不均平使我從事

獨勞也不斥王而曰大夫詩人之忠厚如此

孔氏

曰作者言王道之衰傷境界之削則云蹙國百里蹙蹙蹙靡所騁恨其有人衆而不使即以廣大言之所怨情異故設辭不同○董氏曰孟子荀氏作普天之

下左氏引詩亦然古無濱字說文作瀕徐鉉謂

俗作濱非也

四牡彭彭王事傍傍

布彭反

嘉我未老鮮

息淺反

我方

將旅方方剛經營四方

毛氏曰彭彭然不得息。傍傍然不得已。○鄭氏

曰嘉鮮皆善也。○毛氏曰將壯也。○朱氏曰旅

與脅同。李氏曰毛氏以旅爲衆。案桑柔曰靡有旅力。秦誓曰旅力既愆。若桑柔之詩以

謂衆力方盛猶可也。如秦誓及此詩但指作詩者及良士耳。不得解爲衆也。旅亦訓陳。左氏庭

實旅百。杜元凱注以旅訓陳。此旅力亦是陳力也。○後漢傳毅詩曰哀我經營。旅力靡及。注旅

也。○李氏曰四牡彭彭然不得休息。王事傍傍

然不得已。蓋王之意善我之未老。善我之方壯。

以我之力方且剛強。可以經營四方而使之。

或燕燕居息。或盡瘁事國。或息偃在床。或不已于

行

毛氏曰燕燕安息貌盡瘁事國盡力勞瘁以從

國事○鄭氏曰不已猶不止也

李氏曰有不
止於行而馳驅於

道路者

○李氏曰自此以下皆言役使不均

劉氏曰彼

或不知叫號我則慘慘劬勞彼或棲遲偃仰我則王事鞅掌彼或湛樂飲酒我則慘慘畏咎彼或出入風議我則靡事不爲以彼爲賢耶則國事待我而集以我爲賢耶則厚祿居彼爲多

○左氏傳晉伯瑕曰詩曰或燕燕居息或樵悴

事國

或不知叫號

戶刀反

或慘慘

七感反

劬勞或栖

西音

遲偃

仰或王事鞅於兩反掌

李氏曰有棲遲於家而偃仰者○毛氏曰鞅掌

失容也

孔氏曰鞅掌煩勞之狀言事煩鞅掌不暇為容儀也今俗語以職煩為鞅掌其

言出於此○釋文偃仰作偃印

號呼也或不知叫號謂深居安逸雖外之叫

呼亦不知也

或湛

都南反

樂

音洛

飲酒或慘慘畏咎或出入風

音諷議

如字協句音宜或靡事不為

王氏曰出入風議親信而優游也

陳氏曰出入風議從事口

也。舌

北山六章三章章六句三章章四句

無將大車。大夫悔將小人也。

鄭氏曰：幽王之時，小人衆多，賢者與之從。

事自悔與小人並。

無將大車。祇

支音

自塵兮。無思百憂。祇自疪

都禮反

兮。

鄭氏曰：將猶扶進也。○孔氏曰：大車平地載任

之車。其車駕牛。祇適也。○毛氏曰：疪病也。○蘇

氏曰：將大車則塵汙之。思百憂則病及之。○李

氏曰：猶小人不可與之共事。與之共事難及其

身不可逃也。

無將大車維塵冥冥

莫庭反

無思百憂不出于頴

古過反

朱氏曰冥冥昏晦也頴與耿同小明也在憂中耿耿然不能出也。○荀子大略篇云君人者不可以不慎取臣匹夫者不可以不慎取友友者所以相有也道不同何以相友也均薪施火火就燥平地注水水流濕夫類之相從也如此之著也以友觀人焉所疑取友善人不可不慎是德之基也詩曰無將大車維塵冥冥言無與小

人處也。

無將大車。維塵雖

反於勇

兮。無思百憂祇自重。

反直用

兮。

鄭氏曰。雖猶蔽也。重猶累也。

王氏曰。凡物之行。不爲物所累。則輕

而速。爲物所累。則重而遲。

無將大車三章章四句

小明大夫悔仕於亂世也。

歐陽氏曰。鄭謂名篇曰。小明者。言幽王曰。小其

明損其政事。據詩終篇但述征行勞苦。畏於得罪。不敢懷歸之事。乃是大夫悔仕之辭。如序之說是

也。了無幽王曰。小其明之意。大雅明明在下。謂之。大明。小雅明明上天。謂之。小明。自是名篇者。偶爲

誌別爾了不關詩義苟如鄭說則小旻小宛之類有何義乎

明明上天照臨下土我征徂西至于朁音求野二月

初吉載離寒暑心之憂矣其毒大音泰苦音求念彼共音恭

人涕零如雨豈不懷歸畏此罪罟音古

蘇氏曰朁地名也

毛氏曰朁野遠荒之地

○朱氏曰二月

建卯也○毛氏曰初吉朔日也○孔氏曰離歷

也○毛氏曰罟網也○朱氏曰此大夫以二月

西征至于歲莫而未得歸故呼天而訴之其毒

大苦謂憂之甚○丘氏曰共人謂溫恭之人隱

居不仕者也。賢者久不得歸，於是悔仕進。退既難，恐不免於禍，念彼不仕之友，閑居自樂，欲似之而不得，故涕零如雨也。○王氏曰：豈不懷歸，畏此罪罟者，世亂矣。欲去而畏離罪也。

昔我往矣，日月方除。

直慮反

曷云其還？歲聿云莫。

音暮

念我獨兮，我事孔庶。心之憂矣，憚我不暇。念彼共人，惓惓。

音眷

懷顧，豈不懷歸？畏此譴怒。

毛氏曰：除，除陳生新也。

孔氏曰：上云二月初吉，謂始行之時，故言除陳。

生新，謂二月也。下云日月方奧，傳曰：煖，即春溫，亦謂二月也。

○鄭氏曰：孔甚

也庶衆也。○毛氏曰：憚勞也。○朱氏曰：昔以是時往，至今未知何時可還，而歲已莫矣。蓋身獨而事衆，是以勤勞而不暇也。○孔氏曰：悔仕於亂，故念彼共人，睠睠然情懷反顧，恨不隱而遭此勞也。我誠思歸，畏此譴怒，而不敢歸耳。

昔我往矣，日月方奧。

反於六

曷云其還？政事愈蹙。

反六子

反歲聿云莫，采蕭穫

反戶郭

菽。

反叔音

心之憂矣，自詒伊

戚。念彼共人，興言出宿，豈不懷歸？畏此反覆。

反芳福

毛氏曰：奧，煖也。○鄭氏曰：愈，猶益也。○毛氏曰：

蹙促也。○鄭氏曰：詒，遺也。○毛氏曰：戚，憂也。○

鄭氏曰：興，起也。○朱氏曰：今未知還期而政事

益以促急，是以至此。歲莫，采蕭穫菽之時，而不

得歸也。

長樂劉氏曰：采蕭穫菽者，冬之事也。○董氏曰：采蕭所以祭也。穫菽所以畜也。

觀時之晚，所以爲畜爲祭，不得有備，故憂之而感。

○鄭氏曰：自詒伊戚，

我冒亂世而仕，自遺此憂，悔仕之辭。○蘇氏曰：

念彼共人，興言出宿，不安寢也。

鄭氏曰：夜卧起宿於外，憂不能

宿於內也。

○朱氏曰：畏此反覆，王政險側，不可知也。

嗟爾君子，無怙安處。

昌慮反。

靖共爾位，正直是與，神

之聽之式穀以女

毛氏曰恒常也。王氏曰靖靜也。毛氏曰式用也。丘氏曰穀祿也。朱氏曰以猶與也。

歐陽氏曰嗟爾君子無恒安處乃是大夫自相勞苦之辭云無苟偷安但靖共爾位之職惟正直是與則神將佑爾以福也。鄭氏禮記注曰神聽汝之所爲用祿與汝。表記子曰事君不下達不尚辭非其人弗自小雅曰靖共爾位正直是與神之聽之式穀以女。

鄭氏曰不下達不以私事自通於君

也。不尚辭不多浮華之言也。弗自不身與相親。
○呂氏曰：上達者進乎高明，下達者趣乎汗下。
自者所由以爲主也。彼謂孔子主癰疽與侍人瘠環，非其人而自之也。

上三章皆悔仕亂世厭於勞役欲安處休息而不可得故每章有懷歸之歎至是知不可去矣則與其同列自相勞苦曰嗟爾君子無恒欲安處也苟靜恭於位惟正直之道是與則神將佑之矣何必去哉卒章又申言之也嗟爾君子無恒安息靖共爾位好呼報反是正直神之聽之介爾景福

毛氏曰：息猶處也。介景皆大也。

小明五章三章章十二句二章章六句

鼓鍾刺幽王也。

孔氏曰：鄭氏於中候握河紀注云：昭王時鼓鍾之詩所爲作者。鄭時

未見毛詩，依三家爲說也。

鼓鍾將將。

七羊反。

淮水湯湯。

音傷。

憂心且傷，淑人君子。

懷允不忘。

孔氏曰：鼓擊也。○釋文曰：將將聲也。○禹貢曰：

導淮自桐柏，東會于泗沂，東入于海。

孔氏曰：桐柏山在南

陽之東。

○釋文曰：湯湯流盛也。○鄭氏曰：淑善也。